

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo poljoprivrede, vodoprivrede i šumarstva

PREDNACRT

Radna verzija

ZAKON
O IZMJENI I DOPUNI ZAKONA O VETERINARSTVU

Sarajevo, novembar, 2018. godine

ZAKON O
O IZMJENI I DOPUNI ZAKONA O VETERINARSTVU

Član 1.

U Zakonu o veterinarstvu („Službene novine Federacije BiH“, broj 46/00) u članu 3. stav 3. iza riječi : *„Federalno ministarstvo“*, stavlja se zarez i dodaju riječi koje glase: *„ Federalna uprava za inspekcijske poslove”* .

Član 2.

U članu 130. stav 1. riječi : *„federalnom ministarstvu“* zamjenjuju se riječima: *„Federalnoj upravi za inspekcijske poslove“* .

Član 3.

Ovaj zakon stupa na snagu osmog dana od dana objavljivanja u "Službenim novinama Federacije BiH".

RADNA VERZIJA

O B R A Z L O Ž E N J E
ZA DONOŠENJE ZAKON O
O IZMJENI I DOPUNI ZAKONA O VETERINARSTVU

I USTAVNI OSNOV

Ustavni osnov za donošenje ovog Zakona sadržan je u odredbama člana III 2. c) u vezi sa članom III 3.(1),(2) i (3) i članom IV A.5.20.(1) d) Ustava Federacije Bosne i Hercegovine prema kojima je u nadležnosti federalne vlasti i kantona iskorištavanje prirodnih bogatstava. Imenovane nadležnosti se mogu vršiti zajednički, odvojeno ili od strane kantona uz koordiniranje Federacije, koja donosi zakone na nivou Federacije BiH, uvažavajući pritom specifičnosti pojedinih federalnih jedinica.

II RAZLOZI ZA DONOŠENJE

Zaključkom Vlade Federacije BiH V. broj: 599/2018, od 26.04.2018.godine zaduženi su Federalno ministarstvo pravde i Federalno ministarstvo poljoprivrede, vodoprivrede i šumarstva da usklade odredbe o inspekcijskom nadzoru propisane Zakonom o veterinarstvu sa odredbom Zakona o organizaciji organa uprave u Federaciji Bosne i Hercegovine, u dijelu definiranja drugostepenog organa za odlučivanje po žalbama na rješenja kantonalnih veterinarskih inspektora donesenih na osnovu federalnog propisa, te da isto u formi prijedloga izmjena i dopuna navedenih propisa dostave Vladi Federacije Bosne i Hercegovine, na razmatranje.

- Članom 130. **Zakona o veterinarstvu („Službene novine FBiH” broj 46/00)** propisano je:

„Protiv rješenja kantonalnog i općinskog veterinarskog inspektora može se uložiti žalba *federalnom ministarstvu* u roku od osam dana od dana prijema rješenja.” ,

a članom 126. **Zakona o organizaciji organa uprave u Federaciji Bosne i Hercegovine** ("Službene novine Federacije BiH", broj 35/05) propisano je:

„Upravne i druge mjere iz tač. od 1. do 3. i tačke 5. člana 125., kao i preventivne mjere iz člana 130. ovog Zakona inspektor naređuje donošenjem pisanog rješenja. Osnov za donošenje rješenja predstavlja činjenično stanje navedeno u zapisniku iz odredbe člana 124. ovog Zakona.

Na rješenje iz stava 1. ovog člana odgovorno lice kod kojeg je izvršen inspekcijski nadzor ima pravo izjaviti žalbu nadležnom organu u roku od osam dana od dana prijema rješenja, ako posebnim zakonom nije određen drugi rok. Žalba se izjavljuje sljedećim organima i to:

1) ako je rješenje donio federalni inspektor žalba se izjavljuje federalnom ministru čiji je inspektor donio rješenje;

2) ako je rješenje donio kantonalni inspektor, a odnosi se na primjenu federalnog zakona, žalba se izjavljuje nadležnom federalnom inspektoru, a ako se rješenje odnosi na primjenu kantonalnog zakona, žalba se izjavljuje kantonalnom ministru čiji je inspektor donio rješenje;

3) ako je rješenje donio općinski, ili gradski inspektor, a odnosi se na primjenu federalnog zakona, žalba se izjavljuje nadležnom federalnom inspektoru, a ako se rješenje odnosi na primjenu kantonalnog zakona, žalba se izjavljuje nadležnom kantonalnom inspektoru, a ako se rješenje odnosi na primjenu općinskog, odnosno gradskog propisa, žalba se izjavljuje općinskom, odnosno gradskom organu određenom statutom, ili propisom općinskog, odnosno gradskog vijeća.”

III CILJEVI DONOŠENJA ZAKONA

Kako je potrebno uskladiti ova dva zakona potrebno je izmijeniti Zakon o veterinarstvu na predloženi način kako bi se omogućila efikasna primjena Zakona o veterinarstvu, odnosno riješile nejasnoće kada su u pitanju obaveze, odgovornosti i nadležnost između organa uprave unutar Federacije Bosne i Hercegovine u dijelu definiranja drugostepenog organa za odlučivanje po žalbama na rješenja kantonalnih veterinarskih inspektora donesenih na osnovu federalnog propisa.

IV FINANSIJSKA SREDSTVA

Za provođenje ovoga Zakona u Budžetu Federacije Bosne i Hercegovine nije potrebno osigurati dodatna finansijska sredstva.